

Urar da cuminonza ed envidar ina candeila



Per metter in segn da speranza e solidaritad envidan la Conferenza dils uestgs svizzers ensemen culla Cumissiun evangelica svizra tuts cartents d'envidar ina candeila **mintgamai la gievgia sera allas 20.00**, da postar quella sin il sem-finiestra e da far oraziun per ils malsauns dil virus ,ils emploiai dils survetschs da sanadad e per tut ils carstgauns che sesentan isolai.

«Per els tuts rughein nus Diu per agid e demussein aschia nossa attaschadad» aschia il president dalla Conferenza dils uestgs svizzers, Monsignor uestg Felix Gmür.

Ina mar da candelas duei sclarir viadora ella tiara. **L'acziun cuozza entochen gievgia sontga.**

Acziun ecumena: Tuchiez communabel



Plinavon vegn tuccau ils zenns mintga gievgia sera entochen gievgia sontga sera **allas 20.00** en nossa baselgia a Sedrun e Rueras e medemamein la fiasta da Pastgas sera, sco invitaziun all'oraziun dalla sera.

Plinavon vegn tuccau mintga dumengia allas 11.00 tut ils zenns sco segn dalla dumengia ed invit all'oraziun.

Dumengia da Palmas, ils 5 d'avrel 2020



Nies plevon sur Mathew vegn a benedir las palmas la dumengia da Palmas e vus saveis retrer quellas avon las baselgias a Sedrun e Rueras. En cass da mal'aura ein las palmas benedidas deponidas el pierti dalla baselgia.